

# INUIT ATAQATIGIIT

## INATSISARTUNI



Nuuk 04.okt. 2024

Inatsisartut suleriaasianni § 37 naapertorlugu Naalackersuisunut imaattunik apeqquteqarpunga:

- 1. Nunatta karsiata tapiissuteqartarnerata saniatigut kommuneqarfiit qimussersuarmut peqataatitaqartuusut qimussertartut peqatigiiffiinnut angalanissamut tapiissuteqartarnerisut Naalackersuisut ilisimasaqarfigivaat?**
  - A. Aappiuppat, ukiuni kingullerni marlunni qanormita annertutigisumik kommuunit tapiissuteqarsimappat?**
  - B. Kommuunit qanoq tapeeriaaseqarpat? Kalaallit Nunaanni Qimussertartut Kattuffianuunngitsoq, kisianni illoqarfinni qimussertartut peqatigiiffiinnut qimussersuarmut peqataatitaqartussanut.**
- 2. Kulturimut Ilinniartitaanermit Timersornermullu Naalackersuisoqarfik Kalaallit Nunaanni Qimussertartut Kattuffiannit naatsorsuutininik kukkunersuisumit nalunaarsukkamit kukkunersiorneqarsimasunik ukiuni kingullerni sisamani tigusaqarsimava?**
  - A. Naamiuppat; Naalackersuisut nunatta karsia aqutigalugu tapiissuteqartartut aamma ileqqorissaarnertut isiginerpaat naatsorsuutininik kukkunersuisumit nalunaarsorneqarsimasumit kukkunersiorneqarsimasunik tigusaqarnikuusimanatik aningaasarpassuarnik KNQK-mut ukiut tamaasa tapiissuteqartarnertik?**
- 3. Naalackersuisut tassunga tunngasumik allamik oqaasissaqarnerpat?**

(Peter Olsen Inatsisartuni ilaasortaq, Inuit Ataqtigiiit)

### **Tunngavilersuut:**

2022-mi Naalackersuisut tipserluni lottorlunilu iluanaarutiningaaniit aningaasaliissutigisartakanit KNQK-ip qinnuteqaataa itigartinnikuuat, ilaatigut KNQK naatsorsuutininik kukkunersuisunit nalunaarsukkamit kukkunersiorneqarsimasunik tunniussaqaarsimannginnerat pissutigalugu.

Aamma ilisimavarput kommuneqarfiit kommuneqarfimminni qimussersuarmut peqataatitaqartartuusut qimussertartut peqatigiiffiinnut qimussersuarmut peqataanissaannut angalanissamut aamma tapiissuteqartartut.

2023-mi nunatta karsia KNQK-mut 250.000.kr-nik tapiissuteqarpoq. Ukioq manna 2024-mi 2.5 mio.kr-mut qaffanneqarput. 2025-milu 700.000.kr-mit aamma 1 mio.kr.-nik qaffanniarneqalerlutik.

Inuinnaat aamma peqatigiiffiit kattuffiillu allat tamarmik 150.000 kr.- sinnerlugit tapiiffigineqarsimasunut piunasaqaataavoq naatsorsuutinin kukkunersiuisumit nalunaarsorneqarsimasumit kukkunersiorneqarsimasunik naatsorsuutiminnik utertitsisarnissaat tapiiffigineqarsimagaangamik. Paaserusuppara KNQK allanut naleqqiullugu immikkut pineqarlunilu isigineqarnersoq.

Taamatut tunngavilersuuteqarlunga apeqquteqaatiga nassiuppara.

Kissaatigaaralu apeqqutima ullut qulit iluanni akineqassasoq.